

Auglýsing um póstmál.

158
25. nóv.

Ráðgjafinn fyrir Ísland hefir 7. p. m. samþykkt þessar breytingar á 2. og 8. gr. auglýsingar 3. maí 1872.

1., að aukapóstur Þingeyjarsýslu, er fer frá Grenjaðarstað um Húsavík, Skinnastaði og Presthóla að Sauðanesi, megi á leið sinni milli Presthóla og Sauðaness bæði fram og aptur koma við á verzlunarstaðnum Rauðarhöfn, og að þar megi stofna brjefhirðingu.

2., að aukapóstur Strandasýslu, er fer frá Stað í Hrítafirði um Borðeyri og Prestsbakka norður í Steingrímsfjörð, megi halda áfram leið sinni að Reykjarfjarðar verzlunarstað, að þar verði stofnuð brjefhirðing, og að brjefhirðingin á Stað í Steingrímsfirði verði flutt að Hrófbergi eða Kirkjubóli við sama fjörð.

Landshöfðinginn yfir Íslandi, Reykjavík 25. nóvbr. 1878.

Hilmar Finsen.

Jón Jónsson.

Auglýsing um póstmál.

159
25. nóv.

Að áskildu samþykki ráðgjafans skal frá 1. janúar 1879 stofnuð aukapóstferð frá Hraungerði í Árnessýslu að Reykjum á Skeiðum í sömu sýslu, og skal stofna brjefhirðingu sama staðar.

Landshöfðinginn yfir Íslandi, Reykjavík, 25. nóvember 1878.

Hilmar Finsen.

Jón Jónsson.

Staðfesting konungs á skipulagsskrá fyrir styrktarsjóð handa þeim, er biða tjón af jarðeldi á Íslandi. **160**
30. júlí.

Vjer Christian hinn níundi af guðs náð Danmerkur konungur, Vinda og Gauta, hertogi í Sljésvík, Holtsetalandi, Stórmæri, Þjettmerski, Láenborg og Aldinborg

g j ö r u m k u n n u g t: að Vjer eptir ástæðum, sem ráðgjafi Vor fyrir Ísland hefir allraþegnsamlegast innt oss frá, höfum staðfest og fallizt á, eins og Vjer hjer með staðfestum og föllumst á skipulagsskrá þá fyrir «styrktarsjóð handa þeim, er biða tjón af jarðeldi á Íslandi», sem landshöfðinginn yfir þessu Voru landi hefir samið hinn 4. marz þ. á., samkvæmt beiðni hinnar hjerverandi nefndar «til þess að gangast fyrir samskotum handa Íslendingum, er orðið hafa fyrir skaða», og er sú skipulagsskrá frumrituð hept við þetta brjef — þó þannig, að í 1. gr. eptir orðið «ríkisskuldabryef» sje viðbætt, að þeim skuli varið í innritunarskírteini, sem hljóði upp á nafn sjóðsins, sem og að í niðurlagi 1. atriðis 2. greinar, sje gjörð sú ákvörðun, að ekki megi haggja við innstöðufjenu, nema þar til sje fengið samþykki ráðgjafans fyrir Ísland, og að í niðurlagi 2. atriðis hinnar sömu greinar sje því við bætt, að svo framarlega sem ekki hefir verið af hálfu viðkomandi gefanda gjörð ákvörðun um, hvernig verja skuli einhverri upphæð, sem sjóðnum hefir gefizt, skal því máli skotið undir úrlausn fyr nefnds ráðgjafa vors.

160

31. júlí. skráð.

Vjer fyrirbjóðum öllum og sjerhverjum að tálma nokkru því, sem að framan er

Ritað á Bernstorff, 31. d. júlím. 1878.

Undir: Vor konungleg hönd og innsigli.

Christian R.

(L. S.).

J. Nellemann.

Skipulagsskrá

fyrir styrktarsjóð handa þeim, er biða tjón af jarðeldi á Íslandi.

1.

Af gjöfum þeim, er safnast hafa með frjálsum samskotum út af eldsuppkomum á Íslandi vorið 1875, er 16,500 króna upphæð í 4% arðberandi ríkisskuldabréfum lögð í styrktarsjóð, og er ætlunarverk hans að vera til aðstoðar þeim, sem eptirleidis kynnu að biða tjón af jarðeldi hjer á landi.

2.

Innstæðufje styrktarsjóðsins eru hinar ofan greindu 16500 kr., og er helmingurinn af þeim eða 8250 kr., eingöngu ætlaður til að ljetta neyð eða bæta tjón af jarðeldi, sem Norður- og Suðurmúlasýslurnar síðar meir kynnu að verða fyrir, en verja má hinum helmingnum meðfram til þess að ljetta undir viðlíka neyð og tjón í öðrum hjeruðum Íslands.

Að því er snertir upphæðir þær, sem auk hins nefnda innstæðufjár kynnu að verða lagðar við styrktarsjóðinn, verða gefendurnir í hverju einstöku tilfelli að gjöra ákvörðun um, hvernig verja eigi innstæðufjenu sjálfu, og skal stjórn styrktarsjóðsins skyld að hegða sjer eptir slíkri ákvörðun.

Innstæðufje sjóðsins sem og vextir þeir, sem ekki eru útborgaðir á hverju reikningsári, skulu ávaxtaðir eptir reglum þeim, er settar eru um fje opinberra stofnana.

3.

Vöxtum sjóðsins skal eingöngu varið í þarfir beggja Múlasýslanna, einkanlega til að efla jarðrækt og önnur almenn fyrirtæki; nákvæmari ákvörðun um þetta gjörir landshöfðinginn yfir Íslandi, og er stjórn styrktarsjóðsins falin honum á hendur, en áður ber honum, að leita um það álita bæði amtsráðsins í norður- og austuramtinu og sýslunefndanna í Norður- og Suðurmúlasýslum.

4.

Landshöfðingi semur á ári hverju reikning yfir tekjur og gjöld styrktarsjóðsins, og annast um, að reikningurinn verði prentaður í deildinni B. stjórnartíðindanna.

Landshöfðinginn yfir Íslandi, Reykjavík 4. marz 1878.

Hilmar Finsen.

161 — Brjef ráðgjafans fyrir Ísland til landshöfðingja um styrktarsjóð handa
23. sept. þeim, er biða tjón af jarðeldi á Íslandi. — Eptir að hafa fengið frumvarp